

六十《華嚴經》〈金剛幢菩薩迴向品〉(又名〈十迴向品〉)

十迴向名	經文	探玄記：別釋十迴向名
佛子！何等為菩薩摩訶薩迴向？ 菩薩摩訶薩迴向有十；去、來、今佛，悉共演說。 何等為十？		
1 救護一切眾生，離眾生相迴向	佛子！何等為救護一切眾生離眾生相迴向？此菩薩摩訶薩行 檀波羅蜜； 淨尸波羅蜜； 修羈提波羅蜜； 行毘梨耶波羅蜜； 入禪波羅蜜； 分別般若波羅蜜； 修行積集、慈哀、愍悲、歡悅、喜堪、忍捨，修如是等無量善根。....	菩薩善根濟諸眾生煩惱業苦名救。令住菩提名護。雖成救護然於眾生照性平等故名離相。又救是大悲。離是大智。又初是廣大等心。後是不顛倒心。迴向是行。調以善根迴向成如此救生離相之行故名迴向。從所向立名。
2 不壞迴向	此菩薩摩訶薩，於去、來、今諸如來所，得不壞信，一切諸佛，皆悉歡喜；於諸菩薩所，乃至初發一念，求菩薩善根，及一切智；於彼菩薩，得不壞信，悉於一切諸佛法中，一向直心，而不可壞；於諸佛教，得不壞信；守護一切諸如來法，得不壞信；常以愛眼，等觀一切；以善根迴向，令彼眾生，獲諸善利，得不壞信；於白淨善根，得不壞信。...	於三寶得不壞信。以此善根而成迴向。此約能迴行體為名。
3 等一切佛迴向	此菩薩摩訶薩隨順學過去、未來、現在諸佛迴向。 此菩薩修菩薩行時，見好惡色，其心清淨而無憎愛； 歡喜悅樂，起無壞心， 離諸憂惱；得正直心，身意柔軟，諸根清涼。此菩薩得如是樂時，迴向諸佛...	學三世佛所作迴向名等諸佛。從所學立名。通能所迴。
4 至一切處迴向	此菩薩摩訶薩修習一切諸善根時，以彼善根如是迴向： 令此善根功德之力至一切處，譬如實際，無處不至；至一切世間、至一切有、至一切眾生、至一切剎、至一切法、至一切虛空、至一切三世、至一切有為及	菩薩令善根至一切處而亦迴向於一切處。通能所立名。

	無為法、至一切語言音聲， 我此善根，亦復如是遍至一切諸如來 所，供養三世一切諸佛；過去諸佛，所 願悉滿；未來諸佛，具佛莊嚴； 虛空、法界等世界中，現在諸佛及無量 大眾以為莊嚴，皆悉供養。...	
5 無盡功德藏迴向	此菩薩摩訶薩修悔過善根，離一切業障。 於去、來、今佛一切善根，及三世一切 眾生善根，皆悉隨喜。於諸如來，尊重 恭敬、禮拜、供養所生善根；勸請諸佛 所生善根； 佛所說法聞持憶念、如說修行，入不思 議境界善根； 三世諸佛無盡善根；一切菩薩所修善根； 三世諸佛得菩提時，無上善根；菩薩摩 訶薩於此一切善根，皆悉隨喜。隨喜已， 安住彼善根。...	以自所成無盡功德之藏而 成迴向。 從能迴向行為名。
6 隨順平等善根迴向	此菩薩摩訶薩若為王時，得勝國土，安 隱豐樂，降伏怨敵，治以正道，如法教 化，功蓋天下，德覆十方，萬國歸順， 無敢違命，兵仗不用，自然泰平， 以四攝法善攝眾生，轉輪聖王七寶成就。 此菩薩摩訶薩堅固安住自在功德，眷屬 和睦，不可沮壞，端正第一，觀者無厭...	施絕三輪名順平等。 此亦是能迴之行。又名堅 固善根者，捨三不堅順成 三堅故名也。
7 隨順等觀一切眾生迴向	佛子！此菩薩摩訶薩增長下品善根、中 品善根、上品善根、無量善根、廣善根、 種種善根、不可測量善根、不可思議善 根、阿僧祇善根、無邊善根、佛境界善 根、法境界善根、僧境界善根、善知識 境界善根、一切眾生境界善根、方便境 界善根、修習微妙境界善根、內境界善 根、外境界善根、無量別異功德境界善 根、修習一切施境界善根、清淨戒境界 善根、菩薩內自專正於一切捨忍辱境界 善根、精進不退轉境界善根、入種種禪 定境界善根、修行諸地智慧境界善根、 分別一切眾生心心境界善根、積集無量 清淨功德善根、修習正念菩薩業境界善	以善根等以順益眾生。 能所立名。

	根、普覆一切眾生境界善根。 菩薩摩訶薩行如是等無量善根，修習究竟，積集長養，廣開解已，則能安住忍力，閉惡趣門；善調諸根，威儀具足，永離顛倒，決定正趣；堪為一切諸佛法器，普為眾生作無上福田；常為諸佛之所守護...	
8 如相迴向	佛子！此菩薩摩訶薩成就念智安住不動，離癡正念直心不動，成就堅固不可壞業，一切智境界得不退轉，得大乘勇猛無畏之心，修習無盡善根，積集勝妙善根，修白淨法，增長大悲，得正直寶，常能正念一切諸佛白淨法迴向，心不退轉。樂求菩薩道，巧妙方便，出生清淨堅固善根，正念修習智慧功德，為調御師，具足出生一切善根智慧方便，迴向眾生，慧眼清淨，悉能觀察一切善根，長養無量種種善根....	善根合如。 以成迴向所依為名。
9 無縛無著解脫迴向	此菩薩摩訶薩於一切善根，不生輕心，不輕出生死心，不輕攝善根心，不輕專求一切善根心，不輕悔過心，不輕隨喜善根心，不輕禮他方佛心，不輕恭敬合掌業心，不輕禮拜塔廟尊重業心，不輕勸請他方諸佛轉法輪業心。 菩薩摩訶薩常樂攝受彼諸善根，堅固不壞；彼善根安住，彼善根思惟，彼善根長養，彼善根不著，彼善根具正直心具，彼善根不選擇，彼善根隨順彼諸佛境界善根，見彼善根得自在力。 菩薩摩訶薩以無縛無著解脫心，彼善根迴向，具足普賢身、口、意業；以無縛無著解脫心，修習普賢勇猛精進... 菩薩摩訶薩安住此迴向，一切善根迴向，一切金剛山所不能壞，於一切眾生，第一殊勝；一切眾魔所不能壞，悉能摧滅眾魔邪業，普現一切世界行菩薩行。...	不為相縛。 不於見著。 作用自在故名解脫。 如不思解脫等亦能所合目。
10 法界無量迴向。	佛子！此菩薩摩訶薩離垢縉繫頂，受大法師記，能廣法施成大慈悲，安立眾生	稱性起用。 謂以法界善根迴向法界。

佛子！是為菩薩摩訶薩十種迴向，三世諸佛所共演說。	於菩提心，饒益眾生未曾休息。 以菩提心長養善根，為一切眾生作調御師，示諸眾生一切智道，為一切眾生作法藏日，善根淨光普照一切；等心普觀一切眾生，欲令眾生常行善根未曾休息。增長清淨微妙智慧，不捨一切善根道業，為一切眾生作大智慧採寶導師，開示一切安隱正道。以一切眾生為首，修行諸法；... 菩薩摩訶薩以此法施等一切善根悉迴向已，成就普賢菩薩無量無邊一切行願，悉能嚴淨無量無邊虛空、法界等一切佛剎，令一切眾生亦復如是。 具足成就無量無邊智慧，深入一切法，於念念中示現無量無數一切世界諸佛出世。悉得無量無邊諸佛自在...	當法立名。
---------------------------------	--	--------------